



Byroja Kosovare e Sigurimit
Kosovski Ured Osiguranja
Kosovo Insurance Bureau

BYROJA KOSOVARE E SIGURIMIT - BKS
KOSOVSKI URED OSIGURANJA - KUO
KOSOVO INSURANCE BUREAU - KIB

Nr. 745/22 Dt. 02. 08. 22
PRISHTINË

RREGULLORE

MBI ADMINISTRIMIN E FONDIT TË GARANCISË DHE RREGULLAT E TRAJTIMIT TË DËMEVE NGA KARTONI I GJELBËR

Prishtinë, 2022

Në bazë të nenit 12, shkronja a), pika 5 e statutit të Byrosë Kosovare të Sigurimit, Asambleja e Përgjithshme e Anëtarëve, miraton këtë:

RREGULLORE

MBI ADMINISTRIMIN E FONDIT TË GARANCISË DHE RREGULLAT E TRAJTIMIT TË DËMEVE NGA KARTONI I GJELBËR

Neni 1 Objekti

Kjo Rregullore ka për objekt të përcaktojë rregullat mbi administrimin e Fondit të Garancisë së Kartonit Gjelbër për të garantuar detyrimet financiare që rrjedhin Marrëveshjet e Mirëkuptimit bilaterale të lidhura me Byrotë e shteteve anëtare të Këshillit të Byrove, si dhe nga antarësimi në sistemin e kartonit gjelbër dhe kriteret bazë të pajisjes së Anëtarëve me Certifikatë Ndërkombëtare Sigurimi, në momentin e aplikimit dhe në vazhdim.

Neni 2 Baza Ligjore

Kjo Rregullore miratohet në bazë dhe për zbatim të Nenit 31 të Ligjit Nr. 04/L-018 për Sigurimin e Detyrueshëm nga Autopërgjegjësia.

Neni 3 Pajisja e Anëtarëve me Certifikatë Ndërkombëtare Sigurimi

- Asambleja e Përgjithshme e Anëtarëve pranë Byrosë Kosovare të Sigurimit është i vetmi Autoritet i cili pajis Anëtarët e saj me Certifikatë Ndërkombëtare Sigurimi (Karton i Gjelbër) apo certifikatë tjeter sigurimi të autopërgjegjësisë me shtrirje mbulese siguruese jashtë territorit të Kosovës pas përbushjes prej tyre të dispozitave ligjore dhe nënligjore në fuqi dhe të kritereve të miratuara nga Asambleja e Përgjithshme e Anëtarëve në përputhje me rregullat e sistemit të Kartonit Gjelbër.
- Kërkesa e Kompanisë së Sigurimit (Anëtar e Byrosë Kosovare të Sigurimit) duhet të paraqitet pranë Asamblesë të Përgjithshme të Anëtarëve në Byronë Kosovare të Sigurimit, së bashku me një program të përshtatshëm risigurimi dhe garancinë bankare, në kuptimin e një depozite të ngurtësuar (escrow) në një bankë të nivelit të dytë në Kosovë, si garanci për kartonin e gjelbër në favor të Byrosë dhe me shënimin që preket vetëm me miratimin e Asamblesë të Përgjithshme të Anëtarëve të Byrosë.

3. Asambleja e Përgjithshme e Anëtarëve, në mbledhjen e radhës miraton ose jo dhënien e autorizimit zyrtar kërkesit për shitjen e kartonit të gjebër. Byroja njofton Bankën Qendrore e Republikës së Kosovës brenda 3 ditëve pune për vendimin e Asamblesë të Përgjithshme të Anëtarëve për dhënien ose jo të autorizimit.

Neni 4 **Kriteret në përgjedhjen e kompanisë risiguruese**

Kompania e sigurimit, përgjedhjen e kompanive risiguruese, me të cilat lidhë marrëveshje risigurimi, duhet ta garantojë në përputhje me Rregulloren për Kërkesat e mbajtjes së rrezikut dhe mbulimit përmes risiguriit, e miratuar nga Banka Qendrore e Republikës së Kosovës.

Neni 5 **Fondi i Garancisë së Kartonit të Gjelbër**

4. Fondi i Garancisë së Kartonit të Gjelbër krijohet nga kontributi i çdo anëtarit të Byrosë, masa e të cilit, afatet për derdhjen e tij, procedura e rinvimit, si dhe afatet e rivendosjes miratohen në shumën që përcaktohet nga Asambleja e Përgjithshme e Anëtarëve, me pëlqimin paraprak të BQK-së.
5. Fondi i Garancisë së Kartonit të Gjelbër do të përdoret, sipas parashikimeve të Nenit 31, par. 4 të Ligjit Nr. 04/L-018 për Sigurimin e Detyrueshëm nga Autopërgjegjësia. Byroja pasi ka marrë njoftim për “Guarantee Call”, për mospërmbushjen e detyrimeve sipas parashikimeve të Rregullores të Brendshme të miratuar nga Këshilli i Byrove, njofton Anëtarin për këtë “Guarantee Call”. Në rast se Anëtarit brenda 30 ditëve kalendarike nuk ekzekuton detyrimin, Drejtori Ekzekutiv i Byrosë autorizon pagesën e Guarantee Call nga Fondi i Garancisë dhe njofton Anëtarin për plotësimin e detyrimit të krijuar në Fondin e Garancisë.

Neni 6 **Trajtimi i Dëmeve të ndodhura në Kosovë me shkaktarë mjetet me targë regjistrimi të huaj**

1. Dëmet e ndodhura në territorin e Republikës së Kosovës, me shkaktarë mjete me targë regjistrimi të huaj, do të trajtohen duke patur parasysh si më poshtë:
- mjeti me targa të huaja, shkaktar i dëmit, rezulton i siguruar nga një Kompani ecila ka një korrespondent të miratuar në Kosovë;
 - mjeti me targa të huaja shkaktar i dëmit rezulton i siguruar nga një kompani e cila nuk ka një korrespondent të miratuar në Kosovë;
 - mjeti me targa të huaja shkaktar i dëmit nuk rezulton i siguruar me një Kartontë gjelbër të vlefshëm, i cili mund të jetë i falsifikuar apo i koriguar ose qarkullon i pasiguruar.

2. Në rast se shkaktari i dëmit është i siguruar tek një kompani e huaj e sigurimit e cila ka një korrespondent të miratuar për trajtimin e dëmeve që ndodhin në territorin e Kosovës, Byroja Kosovare e Sigurimit, në rast se raportimi i dëmit bëhet pranë saj, ia delegon dosjen e dëmit për trajtim dhe pagesë këtij korrespondenti.

Korrespondent mund të jenë:

- një kompani e sigurimit, anëtare e Byrosë Kosovare të sigurimit ose,
- një strukturë e specializuar për trajtimin e dëmeve, e licencuar si ndërmjetësues nga Banka Qendrore e Republikës së Kosovës.

Korespondenti është i detyruar të njoftojë periodikisht (çdo muaj) Byronë Kosovare të Sigurimit për datën e pagesës së dëmit në favor të palës së tretë dhe vlerën përkatëse.

3. Në rast se shkaktari i dëmit është i siguruar tek një kompani e huaj e sigurimit e cila nuk ka një korrespondent të miratuar për trajtimin e dëmeve që ndodhin në territorin e Republikës së Kosovës, raportimi i dëmit bëhet direkt tek Byroja Kosovare e Sigurimit dhe e njejtë ka për detyrë trajtimin dhe pagesën e dëmit kundrejt palës së tretë. Në rastin tjetër, Byroja Kosovare e Sigurimit mund të autorizpjë për trajtimin e dëmit një nga kompanitë e sigurimit - Anëtare të Byrosë sipas njësistemi rotacioni dhe duke patur parasysh që pala e tretë të mos jetë e siguruar nga kjo kompani.

Në rastet kur praktika e dëmit është hapur direkt nga një shoqëri anëtare, kjo e fundit njofton Byronë Kosovare të Sigurimit dhe plotëson dokumentacionin me autorizimin e Byrosë ose në rast se pala e tretë është e siguruar prej saj, ia delegon praktikën shoqërisë së autorizuar nga Byroja Kosovare e Sigurimit.

4. Në rast se mjeti me targa të huaja shkaktar i dëmit nuk rezulton i siguruar me një Karton të Gjelbër të vlefshëm, i cili mund të jetë i falsifikuar apo i korrigjuar ose mjeti qarkullon në territorin e Republikës së Kosovës i pasiguruar, Byroja Kosovare e Sigurimit zhvillon korespondencën me Byrote respektive për zgjidhjen e rastit dhe në të njëjtën kohë trajton dhe paguen dëmin e shkaktuar, ose autorizon një nga kompanitë anëtare për trajtimin dhe vlerësimin e dëmit. Në këtë rast, në përfundim të korespondencave me Byrotë respektive, do të përcaktohet statusi i pagesës së dëmit në favor të palës se tretë.

5. Të gjitha kërkesat për dëmshpërblim do të trajtohen nga korrespondentët apo anëtaret në përputhje me parashikimet ligjore dhe rregulluese që zbatohen në Kosovë dhe në interesin më të mirë të siguruesit i cili ka lëshuar kartonin e gjelbër.

6. Miratimi i dosjeve të dëmeve, objekt i Fondit të Kartonit të gjelbër, kryhet nga Komision i Dëmeve pranë Byrosë Kosovare të Sigurimit.

Neni 7 **Raportime dhe Informacione**

1. Kompanitë e Sigurimit raportojnë pranë Byrosë Kosovare të Sigurimit çdo tre muaj mbi dëmet e paguara dhe pezull të Kartonit të Gjelbër.

2. Byroja Kosovare e Sigurimit informon çdo tremujor Këshillin Administrativ lidhur me mospërmbushjen e detyrimeve për pagesë të kompanive të sigurimit për dëmet e ndodhura jashtë territorit të Kosovës, si edhe njoftimet për "Guarantee Call" që ka marrë.
3. Byroja Kosovare e Sigurimit komunikon me të gjitha Byrotë e tjera apo edhe ndërhyr pranë Këshillit të Byrove për çdo shqetësim të bërrë prezent nga Kompanitë e Sigurimit Anëtare të saj, lidhur me procedurat e trajtimit të dëmeve nga Byrotë trajtuese të huaja.

Neni 8
Hyrja në fuqi

Kjo rregullore hyn në fuqi në ditën e miratimit të saj nga Asambleja e Përgjithshme e Anëtarëve të Byrosë Kosovare të Sigurimit.

Agim Elshani
Kryesuesi i Asamblesë së Përgjithshme të Anëtarëve

Prishtinë,
Datë 27.06.2022

